

# Күз теккан одамга муолажа

10:09 / 21.06.2018 4890

## Савол:

Ассалому алайкум! Саволим шундан иборатки, биз яшайдиган тарафларда бирор бир нарсага ёки инсонга күз текканда, агарда ўша күзи теккан инсонни кимлигини билишса унинг уйи атрофидан тупроқ, кичикроқ таёқчалар ва ҳатто бир бўлак латта олиб келиб исириқ билан бирга тутатишади . Шу қанчалик тўғри? Ва агарда тўғри бўлмаса далиллар билан келтирсангиз зеро ўз яқинларимни бу йўлдан қайтариш осонроқ бўлсин. Жавоб учун олдиндан раҳмат.

## Жавоб:

### "Зикр аҳлидан сўранг" ҳайъати:

Вaalайкум ассалом! Буларнинг барчаси нотўғри. Расууллоҳ соллаллоҳу алаиҳи васаллам ҳадиси муборакларида "Кўзи бор одам кўзи теккан инсонга таҳорат қилиб тушган сувни берсин. Кўз теккан уни устидан қўйсин" деганлар.

لَا قَمَّلَ سَوْهٗ يَلَعُ مَلَلَا يَلَصِّي بَنَلَنَعُ هُنَاعُ مَلَلَا يَصَرَّرَهُ يَبَأَنَعُ  
قَبَاسُءِيَشَنَاكُولَوْ يِذْمَرَتَلَأُو مَلْسُمَدَارَوْ هَعَبْرَالَهَأَوْرَهُجُنْيَعَلَا  
يَفَلْسُغَلَانَايَبَوْ اَوْلَسْعَافَمُتْلَسْعَتَسَا اَذَإِوْ هُنْيَعَلَهَتَقَبَسَلَرَدَقَلَهُ  
هَيَدِيَوْهَجَوْنَئَاعَلَهَسْعَيْ : يِتَأَلَّا كَنَابِحَنَبَأَوْيَئَاسَنَلَأَوْدَمَحَأَثِيَدَحَ  
حَدَقَيَفُعَامَلَهَعَضُوَيَوْمَسَحَلَفَسَنَأَلَإِوَتَرُسَنَمَوْنَيَقَفَرَمَلَهَإِلَهَ  
نَذَإِبُأَرْبَيَفُحَدَقَلَأَفَكُيْمُثُوَرْهَطَوْوَسْأَرَلَعَنَيَعَمَلَهَإِلَعَبَصَيَوْ  
لَلَهَ

Абу Хурайра розияллоҳу анхудан ривоят қилинади:

**«Набий соллаллоҳу алаиҳи васаллам:**

**«Кўз тегиши ҳақдир», дедилар».**

Тўртовлари ривоят қилганлар.

Муслим ва Термизий:

**«Агар бирор нарса қадардан ўтадиган бўлса, албатта, кўз тегиши ўтар эди. Қачонки сиздан ғуслга ёрдам сўралса, ғуслга ёрдам беринг», дедилар»ни зиёда қилганлар.**

Аҳмад, Насаий ва Ибн Ҳиббонларнинг ҳадисида ғуслнинг баёни қуидагича:

**«Кўзи теккан киши юзини ва икки қўлини чиғаноғи билан ювади.**

**Кейин киндигидан жисмининг пастигача ювади. Сувни қадаҳга қуийиб туриб, кўз текканнинг бошидан ва елкасидан қуийлади. Сўнгра қадаҳ тўнкариб қуийлади. Аллоҳнинг изни ила тузалиб кетади».**

**Шарҳ:** Шу жойда аввало кўз тегиши ҳақида бир оз тўхталиб ўтишга тўғри келади.

Баъзи тоифалар, хусусан, замонамиз моддапарастлари кўз тегиши деган нарсани умуман инкор қиладилар. Улар бу гапни бидъат, дейдилар.

Аммо барча элат ва миллатларнинг оқиллари кўз тегишини инкор қилмайдилар. Биз, мусулмонлар учун бу ҳақдаги билим шариатимиз таълимотларидир. Ана шу нарсалардан баъзиларини ҳозир ўрганмоқчи бўлиб турибмиз. Пайғамбаримиз соллаллоҳу алайҳи васаллам:

**«Кўз тегиши ҳақдир», дедилар».**

Яъни бу нарсани инкор қилиб бўлмайди. Агар бир оз ақл ишлатилса, тадаббур қилинса, бу масала ойдинлашади.

Аллоҳ таоло инсонларнинг жисмларида ва руҳларида турли қувватларни яратгандир. Баъзи жисм-ларга заҳар таъсир қилмайди. Ҳозирда ҳам заҳарли илонлар ёки чаёнлар ичидаги ухлайдиган, уларга ўзини чақтирса ҳам мутлақо таъсиранмайдиган кишилар ҳақидаги хабарлар тез-тез чиқиб туради. Шунга ўхшаш Аллоҳ таоло ғаройиб хусусиятли жисмга эга қилган турли бандаларни кўп учратамиз.

Шунингдек, Аллоҳ таоло кишиларнинг руҳий қобилиятларини ҳам турли қувватларга эга қилиб яратган. Кўпчилик оддий ҳолатда бўлса ҳам, баъзи кишилар одатдан ташқари руҳий қувватга эга бўладилар. Оқил инсон руҳий таъсирни ҳеч инкор қилмайди. Бу оддий ҳақиқатдир. Бир одам ўзи уядиган одамининг ўзига назар солиб турганини сезса, ўз-ўзидан юзи қизара бошлайди. Баъзи одамлар ўзи қўрқадиган одамининг ўзига тикилиб турганини сезса, ўз-ўзидан юзи оқариб кетади. Шундай пайтда таъсиранган одамнинг эс-ҳуши йўқолиб, қуввати кетиб, оёғи қалтираб қолишига нима дейсиз?

Ҳайвонлар ичидаги илонларнинг баъзи турлари ана шундай таъсирга эга. Ўзи тегмаса ҳам, чақмаса ҳам, назари билан таъсирини ўтказиши мумкин. Бу халқ ичидаги «илон авраши» дейилади. Бундай илонлар нафақат ўзи учун ов ҳисобланган ҳайвонларга, балки, кези келганда инсонларга ҳам таъсирини ўтказади. Ҳомиладор аёлларнинг ҳомиласи тушишига, баъзида инсонларнинг кўзига зарар етишига сабаб бўлади.

Шундай бўлганидан кейин инсонлардан маълум руҳий қувватга эга

бўлганлари ўзлари узоқдан туриб, бош-қаларга таъсир ўтказиши мумкин эмасми? Одамларга қараб туриб, ухлатиб қўядиган, турли ҳаракатлар қилдирадиган кишиларни ҳамма кўриб, билди-ку!

Ана шундай ишларнинг бўлиши учун фақат жисм жисмга тегиши ёки яқиндан тикилиб қарав [шарт](#) эмас. Балки, кўзи тегадиган киши кўр бўлиши ҳам мумкин. Унга бир киши васф қилинганда ундаги ҳасад руҳи ёмонлик ила қўзиса, мазкур кишига кўзи тегиши мумкин. Аслида кўз тегишининг асосида ҳасад бор.

Аллоҳ таоло Пайғамбаримиз соллаллоҳу алайҳи васалламга хитоб қилиб:  
**«Ва кофиirlar зикri эшitaётganlariда seni kўzlari bilan tойdiromoқchi bўladilap va «Albatta, u mажnundir», derlar»**, деган («Қалам» сураси, 51-оят).

**«Кўз билан тойдириш»**нинг икки хил маъноси бор.

Биринчиси – адоват ва душманлик назари билан ҳақ йўлдан тойдириш, адаштириш. Кофиirlar Пайғамбар алайҳиссаломга маънавий зарар етказишни хоҳлаганлар.

Иккинчиси – кўз теккизиш билан Пайғамбар алайҳиссаломга жисмоний зарар етказиш, у кишини йиқитиш, ҳалок қилиш маъноси.

Бу оятнинг нозил бўлиши сабаблари ҳақидаги ривоятларга кўра, мушриклар Қурайш қабиласига кўзи (назари) бор бир кишини олиб келиб, Пайғамбар алай-ҳиссаломга ёмон кўз билан қаратиб, зарар етказмоқчи бўлганлар. Бундай кўзли одамлар Бани Асад қабиласида бўлар экан.

Агар улардан бирортаси семиз туюни кўрганда ёмон кўз билан қараб қўйиб, «Хой қиз, идишни олиб бориб, манавининг гўштидан олиб кел», деса, тую тезда касал бўлиб, йиқилар, эгаси уни сўйиб юборишга мажбур бўлар экан. Пайғамбаримиз соллаллоҳу алайҳи васалламнинг:

**«Агар бирор нарса қадардан ўтадиган бўлса, албатта, кўз тегиши ўтар эди»**, деганлари ҳам шунга ўхшаш нарсаларнинг бўлиши мумкинлигини тасдиқлади.

Кўз тегиши, ундан баъзи кишиларнинг заарланиб, хаста бўлиб қолиши мумкинлиги баён қилинганидан кейин уни даволаш васфига ўтилмоқда.  
**«Қачонки сиздан ғуслга ёрдам сўралса, ғуслга ёрдам беринг».**

Ином Термизийнинг зиёдаларида келган бу жумланинг маъносини тўғри тушуниш мақсадида кўз тегишининг давоси учун қилинадиган ғуслнинг баёни келган имом Аҳмад, Насаий ва Ибн Ҳиббонлар ривоят қилган ҳадисни ўрганишимиз лозим:

«Кўзи теккан киши юзини ва икки қўлини чиғаноғи билан ювади. Кейин киндигидан жисмининг пастигача ювади. Сувни қадаҳга қуйиб туриб, кўз текканинг бошидан ва елкасидан қуйилади. Сўнгра қадаҳ тўнкариб қўйилади. Аллоҳнинг изни ила тузалиб кетади».

Демак, кўзи теккан одамдан ғуслга ёрдам бериши сўралади. У юзини ва икки қўлини чиғаноғи билан ювади. Кейин киндигидан жисмининг пастигача ювади ва ўша сувни кўз тегиб, хаста бўлган кишига беради. Бемор ўша сув билан [ғусл](#) қилса, Аллоҳ таолонинг изни ила тузалади. ("Ҳадис ва Ҳаёт" китобидан). Валлоҳу аълам!